

մըշտկելով ամբոխը աշխատում է առաջանալ դէպի երգեցիկ խումբը, տղաները կանչելու համար :

Դժուար գործ : Է՛րգան էլ մարդ : Մինչեւ որ հասնում է խմբին՝ բաւականի ժամանակ է անցնում : Յոգնած՝ կանգ է առնում, շունչ առնում ու ձեռքը կրծքին սեղմած ցուցամատը շարժում է վեր վար, ծռում, բաց անում, — ոչ ոք չի նայում : Կամաց կանչում է՝ չեն նայում եւ կարծես դեռ աւելի ողբերգուած են երգում : Տաւարիչը Առաքելը որոշում է մի քիչ սպասել, մանաւանդ որ յետ դնալը այնքան էլ հեշտ չէ : Ձեռքերը ծալում է կրծքի վրայ. «Սպասենք, ե՛րբ պիտի վերջանայ» եւ դուրսը ջղայնացած արորում :

Եկեղեցին ամբողջովին լոյս է, ոսկի եւ երգ : Վերջի տարիներին նա վարժուել էր եկեղեցին երեւակայել մեծ, քարէ գերեզմանի նման մի բան՝ սառը, խոնաւ, տխուր մի տուն : Իսկ եկ տես որ...

Ամենից աւելի նրան տպւորում էր երգը : Բոլորն էլ դիտէ : Շարահանները արիւնի մէջն են : Քանի՛, քանի անգամ ինքն էլ շապիկ է հագել, սպասաւորել, երգել... Հին յուշերը տըրորում են սիրտը : Ծանօթ մեղեդիները, քարի տակ թաքնուած աղբիւրի նման, կոկորդը քեռում են :

— Աղա, դէ, երգում էք, լա՛ւ երգեցէք էլի... Անպիտանները սխալ են անում, — քթի տակ սկսում է զգուշօրէն մրմնալ :

Չգուշօրէն՝ չլինի թէ լսեն : Բայց ինչպէս գետը կամաց կամաց իր հոսանքին է յանձնում ափը ընկած առարկան, այդպէս էլ Առաքելի ձայնը, իրեն համար աննշմարելի կերպով, միանում է խմբերգումին : Երախաների բիւրեղեայ եւ սուր ձայների հետ նրա հաստ ու բամբ երգը հնչում է հեռաւոր որոտի նման, եկեղեցու լոյսերը շարժում, լայն խոպոցների մէջ մեկամաղձօրէն կլկլում ու խոր շնչառումի կատարին աղմկօրէն պայթում :

Մարդիկ բարձրանում են վեր, նայում, զարմանում : «Գործկոմի Առաքելը եկեղեցում երգում ա»... Պատարագիչ քահանան, որ նրկատել է նրան, երկու մատով օրհնելու տեղ, իր բոլոր հինգ մատերն էլ շարժում է դուրսների վրայ : Սարկաւազի ձեռքին բուրվաոր

հանգիստ չունի : Տղաները պոռում են :

Յանկարծ, երկարաձիգ մի «ամէն»ի ժամանակ, Առաքելի հաստ ձայնը Ա-ի որոտից յետոյ Մ-ն ներս է կլլում եւ չպայթած ումբի նման վայր ընկնում : Տաւարիչը նայում է չորս կողմ, հասկանում, աչքերը հիւանդ կովի նման չոռւմ, կարմրում եւ ամբողջ ուժով ժողովուրդը հրմշտկելով եկեղեցուց դուրս նետւում :

Ա՛յ քեզ բան...  
\* \* \*

Դուրսը ձիւնի վրայ դանդակի ձայները թառում են կապոյտ թռչունների պէս :

Արեւը մայր է մտել :  
Չարմանալի է, ցուրտ էլ չէ :  
\* \* \*

Յիսուս ծնուել է գիւղում :  
Կովի եւ էջի մօտ եւ ոչ հեռու աղանուց, որ նստած է տանիքի վրայ :

Բարձր ձիւն է եկել : Գիւղը կորել է դետնի տակ : Եկեղեցու տանիքը ծակ է՝ ջուր է կաթում եւ ցուրտը, ձերմակ մտրակը ձեռքին, ներս է մտել :

Յիսուսի վրայ ձիւն է թափում, պատարագը խօսում է ցրտի հետ կապտած շրթերով, եւ Աստուածամօր աչքերը թաց են ուրախութիւնից :

Սեղանի վարը, մի քանի երախաներ, կլորիկ, կարմրաթուշ, զարմացած աչքերով, անհանգիստ շարժում են եւ յանկարծ մէկը միւսի ետեւից, գլուխը վեր բռնած պոռում են : Կարծես բարձր ծառի վրայ թառած մի թռչուն են կանչում : Քահանան անորոշ պատասխաններ է տալիս, իսկ երախաները իրենց սառած մատերը բերանն են դնում ու չնչով տաքացնում :

Մոմերի դողդղացող բոցերը ծեբերի աչքերի մէջ ման են դալիս եւ Աւետարանի խօսքերից, ճրագի պէս, Յիսուսը ծնւում է :

Յուրտը, խունկը, Յիսուսը :

Եկեղեցու դրան դիմաց ախոռ է : Երգիքից չոզի է դուրս դալիս : Սունկի հոտը խառնում է թրիքի հոտին : Մոզերի ճռուցող սայլը մօտենում է : Ծեր բիձաները աղմկով հագում են, հարսները խաչ են անում, իսկ քահանան իր մօրուքի հետ խորհրդաւոր խօսում է :

Ալէլուիա, ալէլուիա...